

尚史

世家八

襄平李錯鐵君甫纂

吳世家

始武王十三年終元王四年凡六百五十年傳三十一世

太伯

仲雍

周章

吳太伯弟仲雍太王之子王季歷之兄也季歷賢而有聖子昌

太王欲立季歷以及昌於是太伯仲雍二人乃犇荆蠻斷髮文

身示不可用以避季歷

韓詩外傳太王賢昌而欲季為後也太伯去之吳太王將死謂曰我死汝往讓

兩兄彼即不來汝有義而安太王薨季之吳告伯仲伯仲從季而歸羣臣欲伯之立季季又讓伯謂仲曰何以處之仲曰刑有
所謂矣要于扶微者可以立季季遂立孔子曰太伯獨見王季獨知伯見父志季知父心故太王太伯王季可謂見始知終而能承志矣
論衡太王薨太伯還季歷三讓不可季歷立是為王季
應劭曰常在水中故斷其髮文其身以象龍子故不見傷

吳越陳蔡世家卷八

害 太伯之犇荆蠻自號勾吳正義太伯居梅里 荆蠻義之從而歸之千

餘家立為吳太伯韋昭注武王追封為吳伯故曰吳太伯 太伯卒皇覽冢在吳縣北梅里聚去城

里十無子弟仲雍立是為吳仲雍仲雍卒吳地志仲雍冢在吳鄉常熟縣西海虞山上與

言偃冢並列 子季簡立季簡卒子叔達立叔達卒子周章立是時武

王克殷求太伯仲雍之後得周章周章已君吳因而封之又封

周章弟虞仲于周之北故夏墟在河東太陽縣 是為虞仲列為諸侯周

章卒子熊遂立熊遂卒子柯相立柯相卒子彊鳩夷立彊鳩夷

卒子餘橋疑吾立餘橋疑吾卒子柯盧立柯盧卒子周繇立周

繇卒子屈羽立屈羽卒子夷吾立夷吾卒子禽處立禽處卒子

轉立轉卒子頗高立頗高卒子句卑立是時晉獻公滅周北虞

史記世家

公以開晉伐虢也句卑卒子去齊立去齊卒子壽夢立壽夢立而吳始益大稱王自太伯祚吳五世而武王克殷封其後為二其一虞在中國其一吳在夷蠻十二世而晉滅中國之虞中國之虞滅而夷蠻之吳興凡十九世至壽夢又六世而滅吳

壽夢

壽夢元年魯成公六年也吳初屬楚壽夢既即位楚殺巫臣之

族巫臣自晉使于吳壽夢說之乃通吳于晉

左林堯叟注先是傳吳自安僻陋未

嘗與中國相通至是巫臣困楚乃始通晉

以兩之一卒來舍偏兩之一焉

司馬法百人為卒二

十五人為兩車九乘為小偏十五乘為大偏蓋留車九乘及一兩二十五人令吳習之

與其射御教吳乘

車教之戰陳教之叛楚寘其子狐庸使為行人于吳吳始伐楚

伐巢伐徐

巢徐楚屬國

蠻夷屬于楚者吳盡取之是以始大通吳于

上國二年

成七年

我入州來

楚邑

十年

成十五年

我會諸侯之大夫

晉魯齊宋

衛鄭

于鍾離

楚邑吳越春秋壽夢元年初周適楚觀諸侯禮樂

魯成公會于鍾離深問周公禮樂因歎而去曰於

乎哉禮也○元年誤

十五年

襄二年

秋九月簡王崩靈王立十六

年

襄三年

楚公子嬰齊伐我為簡之師

簡選練也

克我鳩茲至于衡山

使鄧廖帥組甲三百被練三千

組甲漆甲成組文被練練袍也

以侵我我要

而擊之獲鄧廖其能免者組甲八十被練三百而已嬰齊歸我

伐駕取駕駕良邑也鄧廖亦楚之良也

吳越春秋十六年楚恭王怨吳為巫臣伐之

也乃伐吳至衡山而還

夏六月晉會諸侯同盟于雞澤使逆吳子于淮上

吳子不至十八年襄五年我會諸侯晉魯宋陳衛鄭曹于戚二十

三年襄十年我會諸侯晉魯宋衛曹莒邾滕薛杞小邾齊于柤二十五年襄十年秋

九月吳子薨左傳在位二十五年壽夢子四曰諸樊餘祭夷昧季

札

諸樊

諸樊名遏壽夢之子也壽夢薨諸樊即位諸樊元年襄十三年楚共

王卒我侵楚戰于庸浦大敗我師獲我公子黨我告敗于晉二

年襄十四年諸侯之大夫前諸侯會我于向諸樊既除喪將立季札季

札辭固立之棄其室而耕乃舍之秋楚師于棠以伐我我不出

而還我自臯舟之隘要而擊之敗楚師獲其公子宜穀十二年

襄二十
四年

楚為舟師以伐我無功而還冬我召舒鳩人叛楚

舒鳩楚屬

國十三年

襄二十五年

舒鳩叛楚楚伐之我救之大敗我師遂滅舒

鳩冬十二月諸樊伐楚門于巢巢牛臣射之薨

左傳

在位十三年

餘祭

餘祭號戴吳壽夢之子也諸樊薨餘祭即位餘祭元年

襄二十六年

楚秦侵我及雩婁聞我有備而還三年

襄二十八年

齊慶封來奔與

之朱方冬十二月靈王崩景王立四年

襄二十九年

使公子札如魯

聘夏五月闔綈吳子餘祭吳嘗伐越獲俘焉以為闔使守舟餘

祭觀舟閭以刀弑之

左傳

在位四年

夷末

夷末號餘昧又號句餘亦壽夢之子也餘祭弑夷末即位二年

襄二十一年

使屈狐庸聘于晉

巫臣三年

莒展輿來奔六年

昭四年

年楚以諸侯伐我克朱方殺齊慶封冬我伐楚入棘櫟麻

並楚邑

七年

昭五年

楚子以諸侯及東夷伐我我敗其偏師于鵲岸楚師

及汝清

楚界

我不可入楚子觀兵于坻箕之山而還八年

昭六年

楚

伐徐我救之楚伐我我敗其師于房鍾獲宮廐尹鬬棄疾十四

年

昭十二年

楚伐徐明年楚弑靈王師還自徐我敗諸豫章獲蕩侯

潘子司馬袞蹠尹午陵尹喜五帥冬我滅州來十七年

昭十五年

春

正月夷末薨

左傳

在位十七年

吳王僚

吳王僚號州于夷末之子也

先儒以為諸樊之弟誤

夷末薨王僚即位二

年

昭十七年

我伐楚戰于長岸楚大敗我師獲我乘舟餘皇公子光

師夜從之大敗楚師取餘皇以歸七年

昭二十年

夏四月景王崩

子朝作亂悼王既立而崩敬王立楚人復城州來八年

昭二十三年

我伐州來楚及諸侯之師奔命救州來我禦諸鍾離敗頓胡沈

蔡陳許之師于雞父胡子髡沈子逞滅獲陳夏齧

大夫

楚師大奔

楚大子建之母在耶

楚邑

召我而啟之冬十月大子諸樊入耶

諸樊

王僚之子

取楚夫人與其寶噐以歸九年

昭二十四年

我滅巢及鍾

離

史記吳之邊邑卑梁與楚邊邑鍾離小童爭桑兩家交怒相攻滅卑梁人卑梁大夫怒發邑兵攻鍾離楚王聞之怒發國

兵滅卑梁吳王聞之大怒亦發兵使公子光因建母家攻楚遂滅鍾離居巢楚乃恐而城郢
呂氏春秋畧同
○按傳城郢在滅

巢之前

史誤 十一年

昭二十六年

敬王入于成周子朝奔楚十二年

昭二十七年

年

我伐楚圍潛

楚邑

夏四月公子光弑王僚

左傳

在位十二年

吳王闔廬

吳王闔廬名光諸樊之子也初為羣公子楚之殺伍奢也其子
負來奔負言伐楚之利公子光曰是宗為戮而欲反其讐不可
從也負曰彼將有他志乃見鱄設諸于光長岸之役也楚大敗
我師獲乘舟餘皇使隨人與後至者守之環而塹之及泉盈其
隧炭陳以待命公子光請于其衆曰喪先王之乘舟豈唯光之
罪衆亦有焉請藉取之以救死衆許之使長鬣者三人潛伏于
舟側

長鬣類楚人

曰我呼餘皇則對師夜從之三呼皆迭對楚人從

而殺之楚師亂我大敗之取餘皇以歸雞父之役也我伐州來

楚以頓胡沈蔡陳許之師奔命救州來我禦諸鍾離楚令尹陽

句卒楚師燬

火滅為燬軍主亡故軍人無復氣勢

公子光曰諸侯從于楚者衆而

皆小國也畏楚而不獲已是以來吾聞之曰作事威克其愛雖

小必濟胡沈之君幼而狂陳大夫齧壯而頑頓與許蔡疾楚政

楚令尹死其師燬帥賤多寵政令不壹七國同役而不同心帥

賤而不能整無大威命楚可敗也若分師先以犯胡沈與陳必

先奔三國敗諸侯之師乃搖心矣諸侯乖亂楚必大奔請先者

去備薄威後者敦陳整旅吳子從之七月戊辰晦

遣兵忌晦戰擊楚所不意

戰于雞父吳子以罪人三千先犯胡沈與陳三國爭之吳為三

軍以繫于後中軍從王光帥右掩餘帥左吳之罪人或奔或止

三國亂我師擊之三國敗獲胡沈之君及陳大夫舍胡沈之囚

使奔許與蔡頓曰吾君死矣師譟而從之三國奔楚師大奔王

僚十二年昭二十七年我伐楚使公子掩餘公子燭庸圍潛使季札

聘于上國光曰此時也弗可失也告鱄設諸曰上國有言曰不

索何獲我王嗣也吾欲求之諸樊兄弟相傳欲以及季札季札不受宜及諸樊之子故云事

若克季子雖至不吾廢也夏四月光伏甲于堀室而享王遂弑

王僚掩餘奔徐燭庸奔鍾吾光即位是為闔廬闔廬三年昭三十年

闔廬使徐人執掩餘使鍾吾人執燭庸二公子奔楚楚大封而

定其徙闔廬怒執鍾吾子遂伐徐防山以水之滅徐徐子章禹

斷其髮携其夫人以逆闔廬闔廬唁而送之使其邇臣從之遂

奔楚四年

昭三十一年

我侵楚伐夷侵潛六楚救潛我師還我師圍

弦楚救弦及豫章我師還用伍員之謀也五年

昭三十二年

我伐越

七年

定二年

桐叛楚闔廬使舒鳩氏誘楚人

桐舒鳩並楚屬國

曰以臨我

我伐桐為我使之無忌

教舒鳩誘楚人以臨吳吳偽若畏楚師臨已伐其叛國以取媚欲使楚不忌

楚果伐我師于豫章我見舟于豫章

偽將伐桐

而潛師于巢軍楚師

于豫章敗之遂圍巢克之獲楚公子繁九年

定四年

楚圍蔡蔡侯

唐侯因闔廬伐楚舍舟于淮汭自豫章與楚夾漢楚令尹囊瓦

濟漢而陳自小別至于大別三戰囊瓦欲奔冬十一月二師陳

于柏舉我師擊之楚師亂大敗之五戰入郢楚子奔隨我師從

之謂隨人曰周之子孫在漢川者楚實盡之天誘其衷致罰于

楚而君又竄之周室何罪君若惠顧周室施及寡人以將天衷

君之惠也漢陽之田君實有之隨人卜與之不吉乃辭我曰以

隨之辟小而密邇于楚楚實存之世有盟誓至于今未改若難

而棄之何以事君執事之患不唯一人若鳩楚竟敢不聽命我

師乃退

呂氏春秋闔廬選多力五百人利趾者三千人以為前陳與荆戰五戰五勝遂有郢東征至于庫廬西伐至巴

蜀北道齊晉令行中國新論闔廬習武試其民于五湖劍皆加肩流血不肯止

十年

定五年

越入我夏秦

師救楚大敗我師于沂

楚地

又敗我師于軍祥

亦楚地

遂滅唐秋九

月夫槩王歸自立與闔廬戰而敗奔楚我師敗楚師于雍澁秦

師又敗我師焚我師于麋又戰于公壻之谿我師大敗闔廬乃

歸吳越春秋闔廬立夫差為太子使太子屯兵守楚留止自治宮室立射臺于安里華池在平昌南城宮在長安闔廬出入游卧秋冬治城中春夏治城外治姑蘇之臺旦食組山晝游蘇臺射于鷗陂馳于游臺興樂石城走犬長洲越絕書闔廬宮在高平里射臺二一在華池昌里一在安陽里南越宮在長樂里東到春申君府秋冬治城中春夏治姑胥之臺旦食組山晝游胥母射于軀陂馳于游臺興樂辟塞者吳備候塞也居東城者所游城也柴碎亭到語兒就李吳侵以為戰地者也麋湖城者所置麋也欒溪城者所置船宮也閭門外郭中冢巫門外冢者冰室也婁門外雞陂墟所畜雞使李保養之者也胥門外九曲路以游姑胥之臺以望大湖中闕百姓者也巫欒城者所置諸侯遠客離城也撫侯山者治以諸侯冢次者也古城者所置美人離城也述異記木蘭洲在潯陽江中多木蘭樹吳王闔閭植用構宮殿

十九年

定十四年

夏五月我伐

越陳于携李大敗我師闔廬傷將指還薨于陘

左傳

在位十九年

越絕書闔廬冢在閭門名虎邱下池廣六十步水深丈五尺銅槨三重墳池六尺玉鳧之流扁諸之劍三千方圓之口三千時耗魚腸之劍在焉千萬人築治之取土臨湖口築三日而白虎居上故號虎邱述異記闔廬夫人墓中周廻八里別館洞房迤

遷相屬漆燈照爛如日月金蠶玉燕各千餘隻

夫差

夫差闔廬之子也夫差既立使人立于庭苟出入必謂已曰夫

差而忘句踐之殺而父乎則對曰唯不敢忘三年

哀二

楚圍蔡

師還蔡請遷于我二月夫差敗越于夫椒

吳地

遂入越越行成我

及越平闔廬之入郢也召陳侯陳侯不至是年秋侵陳冬洩庸

如蔡聘遂遷蔡于州來七年

哀六

我伐陳楚子救陳卒于城父

八年

哀七

夫差會魯侯于鄆秋魯伐邾以邾子歸邾茅夷鴻請

救于我九年

哀八

我伐魯克武城又克東陽而進遂次于泗上

我行成及魯盟而還夏齊使來請伐魯魯懼乃歸邾子邾子又

尚史

吳越陳蔡世家卷八

無道夫差討之立其太子草十年哀九年齊侯使辭師于我辭伐魯之

師夫差曰昔歲寡人聞命今又草之不知所從將進受命于君

城邳溝通江淮冬使如魯敝師伐齊十一年哀十年夫差會魯侯

邾子伐齊南鄙師于鄆齊人弑悼公赴于師夫差三日哭于軍

門之外大夫徐承帥舟師將自海入齊齊人敗之我師乃還秋

復使魯敝師冬楚伐陳公子札救陳十二年哀十一年復會魯伐齊

中軍從王胥門巢將上軍王子姑曹將下軍展如將右軍夏五

月克博至于贏並齊邑戰于艾陵大敗齊師獲國書公孫夏閭邱

明陳書東郭書草車八百乘甲首三千以獻于魯左淮南子艾陵之戰也

夫差曰夷聲陽句吳其庶乎使行人奚斯釋言于晉釋言以辭自解也曰寡人帥不